

Izen-ematea irailaren 1etik 15ra [www.irura.eus](http://www.irura.eus) Kirola atalean egin beharko da. Sistema honek, partaideei, eskaeran ipinitako datuen kopia bat helarazten die eta hau, ezinbesteko neurria da izen ematean gaizki ulerturik ez egoteko.

Eskaerak lekuak baino gehiago direnean interesatuen zerrendak osatuko dira eta matrikula eskubidea zozketa bidez erabakiko da. Ikastaro batean baino gehiagotan apuntatuta daudenak, aukeratutako ikastaroen artean bat lehenetsi beharko dute, zozketaren aurretik.

Behar izanez gero, zozketa irailaren 20an, 11:00etan udaletxean egingo da. Behin behineko zerrenda irailaren 21ean eta behin betiko zerrenda irailaren 26an argitaratuko da [www.irura.eus](http://www.irura.eus) webgunean. Iruran erroldatutakoek lehenetsun osoa izango dute.

Baja emateko azken eguna izena emateko azkeneko eguna izango da, osasun arrazoiengatik ez bada behintzat. Osasun arrazoiengatik bada, medikuaren ziurtagiria aurkeztea derrigorrezkoa izango da. Ikastaroak hasi ondoren, matrikulatu ahal izango da. Beti ere taldea osatu bada, lekuak badaude eta irakasleak hala baloratzen badu, matrikula-tasa osoa ordainduz.

6 matrikula baino gutxiagoko taldeak bertan behera geldituko dira. Onartuko da 5eko taldea baldin eta ikastaro horretako talde guztien batz bestekoa 5ekoa bada. Taldeak osatze aldera, gutxieneko eskaera kopurua betetzen ez denean, talde desberdinak elkartzeko aukera aztertuko da.

Helduen ikastaroetan, Iruran erroldatutakoei %20ko hobaria aplikatuko zaie, hauetako kasuren bat badute: familia ugaria agiria, gazte txartela, langabeziako agiria, jubilatua edo pentsiodun agiria. Kirol ikastaroetan trinketeko kirolguneko bazkideek %10eko deskontua izango dute. Haurren ikastaroetan eta Irura ez den beste herrietan erroldatutako helduen kasuetan beherapenik ez da aplikatuko.

Edozein hobari jaso ahal izateko ezinbestekoa da agiria aurkeztea ([kultura@irura.eus](mailto:kultura@irura.eus)-era fotokopia bidalita). Aurretik agiria udalean aurkeztu badute hori adierazten duen laukia bete behar da.

Desgaitasuna duten pertsonak: minusbaliotasun maila % 33 tik % 64rainoko tartekoa dutenei %20ko hobaria aplikatuko zaie eta minusbaliotasun maila % 65ekoa edo gehiagokoa dutenei, %50ekoa.

Deskontuak ez dira gainjartzen, deskonturik handiena aplikatuko da.

Dagokion adin-tartean eman behar da izena, irakasleak baloratuko du taldez aldatzea dagokion.

Izena ematen dutenei edo bere arduradunei Irurako Udaleko Appa deskargatzea gomendatzen zaie, ikastaroen inguruko informazio guztia bertan agertzen baita aldiro.

Izena ematen duenak arau guztiak onartu beharko ditu. Hala egiten ez duenak ikastarotik kanporatua izango da.

Ikastaroak urriaren 9ko astean hasiko dira eta maiatzaren 27ko astean bukatuko dira. Udalak ikastaroak hasitakoan ekingo dio matrikulatutakoei kobratzeari.

Udalak tarifatutako gaiei buruzko espezializazio ikastaroak antolatzeko ahalmena izango du. Ikastaro horien prezioa kostuaren araberakoa izango da. Era berean, bestelako ikastaroak antolatzea udalaren eskumena da. Horrelakoetan, dagozkien kostuen araberako prezioak finkatuko ditu udalak.

# Kultur eta kirol IKASTAROAK

2023/10/9tik 2024/05/31ra arte



Izena emateko epea 09/01etik 09/16 arte.



**Irurako udala**

**Garrantzitsua: Eskatzaile guztiek izenemateko eskaeran ipinitako datuen kopia emailaz iritsi zaiela ziurtatu beharko dute, jaso ez duena ez baita matrikulatua egongo eta ez da zerrendetan agertuko.**